

# PARÆNESIS

AD HÆRETICOS,

ET ALIOS

ECCLESIAE HOSTES,

ET MASTIGES.

*Num. 4. Cap. 4. num. 12.*

AUCTORE

IOANNE A CHOKIER

*Ecclesiae Cathedralis Leodiensis Canonico, Ser.<sup>mi</sup> Episcopi*

*Principis Leodiensis Vicario in Spiritualibus*

*Generali, eiusdemque Consiliario.*

Contra omnium hostes pro salute communi vna communis debet esse vigilantia, ne de alicuius membri vulnere etiam alia possint membra corrumpi. *S. Leo Papa, Serm. 5. de Ieiun. 10. Mens.*



COLONIAE AGRIPPINÆ,  
Apud IOANNEM KINKIUM Sub signo  
Monocerotis.

---


M. DC. XXXIII.



SERENISSIMO PRINCIPI  
FERDINANDO

DEI GRATIA ELECTO ET

confirmato Archiepiscopo Coloniensi, Sacri Rom. Imperi  
per Italiam Archicancellario, & Principi Electori, Episcopo  
& Principi Leodiensi, Paderbornensi, & Monasteriensi, Ad-  
ministratori Hildesimensi, Berthelsgadensi, & Stabulensi, Co-  
miti Palatino Rheni, vtriusque Bavariz, Westphaliz, Anga-  
riz, & Bulloniz Duci, Marchioni Francimontensi, Comiti  
Loffensi, Longiensi, Hornensi, &c.

 *VM in Ditione vestra Leodiensi ani-  
maduerterem AVITÆ RELIGIONIS hostes  
non solum incauta plebeculam sinistris  
doctrinis, ac libellis conari pervertere, verume-  
tiam magnis iuxta ac parvis, presertim Ecclesia-  
sticis insultare; Religiosos verò laceffere, pesti-  
feras suas doctrinas illis imputare, nobis etiam  
famosis scriptis detrahere; imò confictis falsisq;  
mandatis (scelus profectò adusque hanc in Vrbe  
vestra, ne dicam Orbe, inauditum) Celsitudini  
Vestra Ser.<sup>ma</sup> sic illudere, hanc mihi (licet ma-  
gna negociorum mole grauato) necessitatem impo-  
nendam duxi, ut sub acumen calami illa cõmitte-  
rem, quibus veluti repagulo, progressum pestiferæ*

a ij

hære-

# PARÆNESIS

AD HÆRETICOS;

ET ALIOS ECCLESIAE

HOSTES, ET MASTIGES,

IOHANNIS A CHOKIER

CANONICI, ET VICARII

GENERALIS LEODIENSIS,

## CAP. I.

*Religione nihil debere esse firmitus & antiquius. Illam esse fundamentum veræ politiae, vel Ethnicorum sensu. Principes*

*Christianos tueri illam quovis modo debere. Novatores pellendos & coercendos esse.*

**N**IHIL est in rerum naturâ quod non varietati mutationique, si à Religione discedamus, obnoxium sit. Tempora, ætates, Regna, Republicæ, stationes suas, sedes, ac periodos & tempus habent; habuerunt olim, & iam variaverunt: at Religio perennis est, immutabilis est, variationi non magis quam Deus ipse subiecta: solius Dei Numen naturâ mutationis expers est, tanquam increatum & semper existens. A quo cum Religio ceu à fonte procedat, quis non videat illam veluti immobilem columnam & firmamentum omnis veritatis (vt Apostolus loquitur) æstimandam esse imò veluti basim & fundamentum omnium Regnorum suspiciendam? Senatus Romanus supremum totius Orbis

A

tribunal

# VIRGIDEMIA EX VIRGETO,

SIVE

## MONACHOMACHIA

SAMVELIS MARESI,

TRIBUNI VAPULARIS,

collecta, & ad cum missa,

A B

ARSENIO HONORIO.

**L**IBRUM tuum, Samuel Maresi, non exigua iniuria, & dedecore affecisti, dum MONACHOMACHIAM inscripsisti, nimis angusto Elogio. Nam etsi cum Monachis, aut potius cum Monachorum larvis, quas tu tibi fingis, magno, & irrito conatu, decertas, & Umbras, retuso, & ignavo calamo, frustra diuerberas: ea tamen minima pars est tui certaminis: cum vix quemquam, vix quidquam omittas, in quod non lymphatus irruas. Itaque multo rectius, PANTOMACHIAM, vocasses: ac sic palam te profitereris PANTOMACHVM, vt pridem omnibus notus es PANTOMIMVS, & Ludio. *Ministre BOUFFON*. Fingis, te scribere aduersus Matthiam Hauzeur, & alios Monachos: at vide, (si tibi adhuc oculi in capite sunt, nam mentis oculos pridem amisisti) & mecum recognosce, quam multos, & quales, per Monachorum latera petas. Agnosces profecto (si quid nosse potes) te esse illum *pilosum, & hispidum Esau*, Cuius manus contra OMNES. Genes. c. 16. v. 12 & te longè supra Herculem conari, qui ne contra duos quidem